

QVÆSTIO MEDICA

QUOD LIBETARIIS DISPUTATIONIBUS
manè discutienda in Scholis Medicorum
die Jovis 14. Novembris.

M. FRANCISCO LERAT, Doctore
Medico, Præsidente.

An rejicienda quælibet nutrix, cui fluunt menstrua?

I.

PARUM esset fœtum mirâ arte & industriâ conformatum elaboratumque in lucem emergere, si sibi relinqueretur soli, nudus, inermis, omnium inops, vesci, fari, ingredi nescius, ac infinitis propemodum incommodis objectus. Effracto uteri carcere (malum) nondum liber, sed quasi reus supplicio destinatus, coævis placentæ vinculis adhucdum tenetur, quibus suapte vi vix ac ne vix quidem exolveri unquam potest. Quam à vagitu futurorum præfagus auspicatur vitam, gemitu, ipsoque in limine clauderet, terris vix ostensus, nisi suam illi operam quamprimùm præstarent parentes, aut conductitiam procurarent. Beneficii itaque & gratiæ loco primùm expectat, ut umbilicali expediatur funiculo; vino vel oleo eluatur; fasciis nec laxioribus, nec arctioribus involvatur. Alterum est, ut aëri nec frigidiusculo tepens ab utero corpusculum exponatur, ne patentem poros altius subeat inimicum frigus; nec calidiori, ne vel plus æquò resolvat, vel humores liquet, moveatque in pectus. Temperatus sit ille, ad calorem tamen nonnihil devertens. In cubiculò lucidiori si decumbat, insolito splendore læduntur imbecilles oculi. Luci obliquè si obvertatur, strabismus in propinquo est. Cavendum præterea ut eo collocetur situ, qui nec pronus sit, nec supinus; in alterutrum latus conversus & capite parùm elato, spirat commodius. Piceum excrementum quod Meconium vocant, nisi citò secedat, arte educendum. A vetularum eorumque potissimum quibus anima fœtet, osculis summovebit, quisquis vix aliud facinum eò potentius esse norit. Quid adeò multa? alimenti necessitas urget. Nutricem elige, & offer acturum, eâ tamen lege ut optimò synceròque lacte abundet.

II.

TENERRIMUM ac penè cereum recens nati infantis corpus ad quasvis mutationes proclive est, variumque, pro diversâ cœli, ac soli con-

ditione, & disparili ventorum flatu. Austrô mollitur, & languescit: Aquilone induratur, & viget. Sed quantulæ istorum vires, si cum alimentis conferantur, quorum accessione corporis moles augetur, & quorum odor saporque interdum asservantur etiã in excrementis, quæ per alvum, vesicam, atque habitum feruntur. Ut consuetudo, ita & nutritio, altera quasi natura est, vel novam inducit. Fidem faciunt arbores & stirpes quæ nativô è solo in aliud exportatæ insitæque, ob aliam novorum, quos è diversâ terrâ suscipiunt, succorum indolem, lætiùs infeliciùsvè aluntur, & crescunt, sive tandem vix similes manent. Lactis magna præ cæteris alimentorum generibus efficacia, quòd multiplici nomine, & modò lactentem afficiat, & aliorum admixtione non frangatur. Hinc est quòd ejus quam cæterorum ciborum vitis longe citiùs mulctetur innocens infans, ac quicquid delirat nutrix, statim ille plectatur, aphthæ, vomitionibus, diarrhœa, torminibus, convulsionibus miserabiliter jactans, ejusque nativæ temperiès quantumvis sit legitima, & concinna conformatio facili negotio infringatur, & pervertatur. Nova veluti sit generatio, & insitionis quædam species, non absimilis ei, quâ videmus insita mala ferre pyrum & prunis lapidosa rubescere corna. Vitiatæ autem corporis constitutionis non raro luit pœnas animus crudelior factus, aut ad vinum, venerem, aliudve vitium propensior. Adeptio ac amissio cujuscumque habitus penes corpus tantum stat: sicut cerebro male affecto ac spiritibus caliginosis factis, phantasmata deficiunt aut distorquentur, sic corpore teterrimis succis factio eximii depravantur mores.

III.

NUTRICEM plurima apud vulgus commendant, color faciei suavis & rosus, etiã subniger, potissimum in capillis: Dentes candiduli, non labantes, non putridi, aut ex intervallis dolentes: oculi venusti, non lippi, non lusi: Nativæ mundities, ac modestia cum hilaritate conjuncta: ætas vegeta quæ annum attigerit vigesimum, nec trigesimum quintum superarit. Sed ad nutricis laudem præsertim facit, quòd legitimam sortita sit corporis temperationem, staturam parvam potiùs quàm proceram, habitumque nec gracilem nec obesum: nec abortum passa: nec eligatur statim à partu, ne cum colostro virus præbeat. Belle appetat, nec tamen indulgeat gulæ. alvi sit nec pigrioris nec citatioris. Pectus insuper ostendet amplum, mammis, nec pendulis, nec flaccidis, sed mediocriter turgescitibus ornatum: Duriore puer præ dolore fastidium pariunt, & nasi figuram deformant: minores non satis capiunt & asservant lactis. Suspectæ etiã ampliores, an quia ob carneam molem, vel humidiorum temperiem, vel salacitatem nutricis, vel pulmonis æstum, humorum ve eas in partes confluxum, sæpius plus æquò intumescunt? frustra verò inquisieris in alias mammarum dotes, nisi apta ex iis papilla emineat: brevior, crassiorve apprehendi vix potest: Longior linguam & palatum fugentis offendit. Lactis etiã illinc extillantis ductus si pateant nimis, ex copiâ suffocationis est metus: si minùs, laboriosior suctus. Rustica, urbanave sit, primipara necne, feminam pepererit, an marem, parvi refert. Quid & quantum lactis habeat, potius expendi; nec exuperet, nec deficiat; copia nutricem exhaurit; Infantem conficit penuria: coloris sit albi, vel coerulei: odoris & saporis

vel nullius, vel grati: substantiæ æquabilis, quam explorabis lacte in speculum vel unguem instillato: crassius caseosum est, coctū difficile & ad Epilepsiam infantem inclinans: tenuius diarrhæam & atrophiam parit, quibus adeo egregiis tūm lactis tūm nutriticis dotibus quandoque non adversatur periodica menstruorum evacuatio.

I V.

MENSTRUUM circuitus idem non raro, quod pubertatis initium: multò magis diversus & incertus finis: illius duratione concipiendi gerendique fœtus habilitatem ne circumscribas. Nondūm menstruata interdū fit mater, ejusque uterus prius impletur homine, quàm erumpente sanguine cruentetur. Nec, etiamsi à conceptu, & per lactationis tempus, menstrui plerumque fiat suppressio, ex eò fœtum & fingi, & nutrirī in uterò putēs. In genere animantium, quæ vivos edunt fœtus, eadem est horum formandorum alendorumque materia: sola tamen mulier, si simiam exceperis, animal menstruale est. Eundem in cœteris animantibus gigni quidem, & congeri sanguinem, qui singulis mensibus, ut in mulierum genere, non excernatur, sed absumatur in pilos, nugæ. Hirsutæ sunt & simiæ, quæ purgantur. Ex humore multò puriori coagmentantur vivuntque fœtus. Virus ille est, quò nisi repurgentur matres, cū ipsæ, tūm conceptus miserè inquinantur. Hinc nihil mirum, mulieres interdū peperisse, quibus nunquam unquam menses fluxere; quos qui sanguinis exuperantiæ, vel desidi mulierum vitæ tribuit, naturam ignorat. Amazones, rusticæ, inbelles, quadratæ, ac perè exangues, iis promiscuè laborant. Nimia saltem & plenitudo, & desidia ejusmodi fluxum, vel sistit, vel retardat. Deinde si totius est illa corporis, cur eò imminente, non universum corpus, sed unus fere uterus dolet? cur ejus tantūm ac lumborum gravitas & tensio? cur totus in eum sanguinis redundantis impetus? cur illac potiùs quàm per alias partes longe teneriores, faciliusque cessuras, sit eruptio? alia certe est hujusce menstrui circuitus ratio: extra uterum non querenda. Occulta ne qualitas ipsi insita? an salina potiùs substantia fermenti æmula, quæ sensim à sanguine secreta, & uteri jam grandioris peculiari fibrarum plexu intercepta, statis temporibus & periodis turgescat, ac referatis diviniæ illius favisæ ostiis, unà cum ebullientis sanguinis spumâ, foras prorumpat. Ut cœteris partibus, sic & utero sua inest singularis conformatio, propria textura, & peculiare fermentum, quò factâ humorum despumatione, non ipse duntaxat, sed & reliquum corpus purgatur. Unde longè perfectior & felicior, quæ menstruanæ purgationem excipit, conceptio. Tot ac tantis plerumque scatet impuritatibus mulierum sanguis, ut ejus defœcationi sæpissime non sufficiat menstrua evacuatio, & non raro accedat fœdior ac tædior muliebris fluxus, quò eæ vulgò corripuntur, quæ alterius beneficio non fruuntur, alias hystericiis affectionibus, picæ, malaciæ, aborsui, hydropi, ictero obnoxia, & in summum vitæ discrimen adducendæ.

V.

MENSTRUAM illam perniciem ad mammas statim à partu ferri, & in lac recens nati infantis alimoniam facessere, commentum. Lac certè ex chylo, quem illius subjectam ac proximam esse materiam abunde testantur

4

diuturna infantis succio citra lactantis lipothymiam & in lacte superficies alimentorum odor, color, sapor, & catharticum vires. Is verò peculiarem sibi viam non terit, sed sanguinis comite ad mammas deportatur. Chyli autem cum sanguine permixtio fieri nusquam potest, quin ille hujus vitia, vel dotes contrahat. Hinc est, quòd ubi invadit menstrua purgatio, ex eà lactentes pueri aliquid detrimenti capiant modò levioris, modò gravioris, prout bene vel malè moratas sortiti sunt nutrices. Nec idcirco quælibet huic fluxui obnoxia sunt respuenda; eæ scilicet permagni sunt usus in quibus vix mutata lactis indoles levissimam iis infert alterationem. Hæres anxius? subdoli istius virus metuis minutias? Expurgatà humorum colluvie, nutritrix multo alacrior & expeditior evadit, & puer nitidiori vescitur alimento, feliciusque adolescit. Eumne istius virus blanda perniciēs insidiosè aggressura est? Quantò major pertimescenda, ubi lactans cui non fluunt menses, ipsi offertur. Nunquid minor ea est quæ uno aut altero cujusvis mensis die, quam quæ quotidie & singulis pene horis obicitur? Virus menstruum per lactationis & gestationis tempus non impune latet in corpore. Nisi certis temporibus excernatur, in dies crescit, serpitque longius, & sanguinem chylumque simul adnixtum corumpit, tinea, ichoribus, variolis & morbillis eò acerbius grassaturum quò diuturniorem moram traxerit. Quisquis verò nutritricem, periodice repurgari solitam elegerit, non solùm ab horum affectuum vehementià, sed etiàm à symptomatis longe gravioribus, quæ tacitos & astutè dissimulatos quarundam nutricum morbos consequuntur, lactentem vindicavit. Cæca enim illa vitia imminente eruptione, aliquot se produnt notis, quæ si non clarè omninò in istis mulieribus, saltem in pueris tenerioribus, diarrhœa, convulsione, &c. prehensis, factà deinceps eruptione, manifestò declarantur. Occulta illa nutricum vitia nusquam ex lactis substantià, corporis habitu, pilorum & cutis colore, exploratis. Quam multæ enim intrus sordent, quæ foras splendent! Rem multò tutius gesseris, si nutritricem obtuleris periodicè menstruatam. Ea ut laudabilioris sanguinis, sic & syncerioris lactis certius præbet argumentum.

Ergo non rejicienda quælibet nutritrix, cui fluunt menstrua.

Domini Doctores disputaturi.

M. Iosephus Thomasseau.

M. Ioannes - Baptista - Renatus Moreau.

M. Petrus Crescé.

M. Ludovicus Peirier.

M. Nicolaus Pelletier.

M. Antonius - Ioannes Morend.

M. Petrus Bonnet, Scholæ
rum Professor & Familie
Reginae Francorum Medicus
ordinarius.

M. Renatus le Comte.

M. Alexander - Michael Denzan,
Professor Regius.

Proponebat Patifius PONTIUS MAURIN, Parisinus, Baccalaureus
Medicus. A. R. S. H. 1680.

P A R I S I I S,

Apud Franciscum Muguet, Regis & Facultatis Medicinæ Typographum.